

錦里先生文集

二

和書門				
三二二五四	二二二	二二二	二二二	二二二
號	函	架	冊	類

西京襖
女言排律四首
七言近体七十首



內閣文庫	
三二二五四	二二二
號	架

內閣文庫	
番號	和 32254
冊數	10 (2)
函號	205 237

共十



關 31

西京稿

錦里文集卷二

平安木貞幹直夫著

寅亮 編

遠孫 靜 校


五言排律

菊

東籬迎物候。三逕掩柴扉。只見千林落。寧從百卉腓。
傲霜香自足。裊露朶相依。黃白怜仙態。紫頰鄙俗非。
摘思彭澤酒。采比首陽薇。歲晚田園意。微君誰與歸。

冬嶺秀孤松

錦里文集卷二



歲寒無一樹。霜雪有孤松。鬱鬱深棲鶴。亭亭直走龍。
峯頭停蓋秀。風手學琴濃。閉伴陶潛隱。特抽和嶠容。
常全君子操。豈况大夫封。千尺傲冬處。高標入筆鋒。

送田君歸東武

六年京國客。千里武陽歸。山勸故人酒。風飄遊子衣。
錦囊行得句。金匱已研幾。能辨君臣藥。高輝桑梓枝。
庭闈烏鵲喜。膠漆燕鴻違。只恐分離後。長令書信稀。

奉哭尺五先生五十韻

長風黃雀侯。大夢白雞年。賢路亡推轂。儒林失濟川。
短修嘆造物。予奪訴皇天。受業萬夫望。任真太極先。

奎精垂爛燦。岳氣吐蜿蜒。霄漢九苞鳳。江湖十丈鱣。
磨瑳荆嶺璞。劉臚鄧林楸。劉向藜燈照。魏收木榻穿。
暴漂高氏麥。早着祖生鞭。麟史王正辨。葩經雅頌篇。
說書折盤詰。贊易徹坤乾。槐市青雲外。杏壇朱雀邊。
孔顏春祭享。伊洛久涸沿。鹿洞規模設。鵞湖講論研。
苦心名貫斗。揮手筆如椽。龍錦一家杼。鳳樓十樣牋。
八义俄作賦。寸燭歛成聯。思逸烟霞表。眼融花鳥前。
妄機胸洒洒。屬稿腹便便。常啗藝園秀。多司詩社權。
餘波還泛濫。異教暫攀緣。喻說劫三大。空談卷七千。
橫渠終慨嘆。和靖且周旋。醞藉交無吟。磷緇老益堅。

往來方外友。遊戲酒中仙。豪飲交文武。淺斟辨聖賢。
辭官深適趣。謝貴不勞牽。過隙遽如許。壞梁今又然。
彭仇頻睥睨。盲豎竟沈綿。神藥冷丹竈。智珠墮紫淵。
冲天看鶴弔。擇地遇牛眠。負土孤墳起。樊丘小樹連。
青螺仙侶去。白馬故人遭。慟哭五橋路。慘悽太谷阡。
鄉紳迷月且。處士暗星躔。北海賓尊罄。南州客榻懸。
前修傷領袖。後進喪陶甄。塔草摧書帶。床塵荒研田。
追蹤悲絳帳。懷舊感青氈。經笥義方重。墨莊學殖專。
丁壬揚美謚。甲乙輯遺編。下壽期雖促。上邦名遍延。
遂令斯德邵。盍憾彼蒼偏。祿爵不曾計。哀榮得乃全。

浮休難理遣。號泣為情纏。失意恍謔語。妄形似醉顛。
百身安可贖。九族各堪憐。往事雲千變。明靈月獨圓。
蘭枯芳永在。薪盡火虛傳。長夜何時旦。蕭條松柏烟。

七言近體

歸去來圖

絃歌聊爾暫時蹤。歸去寧為五斗恭。獨木安能支大
厦。西疇好是伴三農。非金禮樂施新化。典午山川改
舊容。誰與先生同晚節。一叢黃菊一青松。

春雨

寒食清明看已遷。輕風細雨發春妍。無聲暗滴花間

露有色偏添柳上烟。潤入西疇麥盈隴。雲低南浦草連天。乍寒乍暖晴何日。一榻爐薰隱几眠。

丁酉元日

龍精戒且氣回天。袞袞化機元自然。心上經綸無斷織。閒中今古有陳編。杜門非復澤毛豹。藏拙聊為編頂鱗。書蠹年來何所得。不逢脉望食神仙。

讀杜律集解寄石徵君

少陵詩律酷幽蘊。邵傅解成如揭噉。推轂房公懷燮理。報章嚴武遣殘魂。清貧樂酒常憂國。獨步擢材長赫門。窺杜牖窗君得髓。吟餘閒適是桃源。

中秋見月廣澤池上浮雲杳靄欲晴不晴

秋色今年已作空。輕陰重霧影朦朧。巫娘妖夢朝雲外。漢女香魂夜帳中。天上斲輪無妙手。水心鑄鏡乏良工。青山別有登仙路。欲借銀橋遊月宮。

甲午元日

乾馬高馳萬里風。江南塞北一時融。暖光先始燕臺隗。景象復非吳下蒙。宿雪連山抱白望。瑞雲含日抱黃中。雞聲半夜起予者。欲向新年進舊功。

柳

隋帝古河千里流。翠烟歲歲鎖津樓。風梳雨沐晞雲

髮綠去絲來絆客愁。已許清涼宜九夏。須知憔悴嘆三秋。浮榮渾若捉飛絮。笑見兒童費挽攔。

黃蘗獨立禪師題詩於松花堂。格律清健。有中
原之風度。卒嗣響。為他日之先容。

木末高堂引晚涼。倚欄勝槩一時彰。山川別向壺中
縮。丘壑知於胸次藏。幾處風煙秋慘淡。千村桑柘暝
蒼茫。詩篇既與君相識。何日同來望洛陽。

暮春陪尺五先生遊神樂岡

洛水東岡神社前。主人掃石秩芳筵。地隣黑谷鐘聲
近。嶺接赤城霞彩連。塵世百年知幾變。青山萬古故

依然。春風今日從師樂。共倚清尊薄暮天。

夏日從尺五先生遊省菴安東君之亭。明日君
詩以見謝。先生有和。余亦效之。

千里從師炊桂玉。三年學道見菱牆。術兼俞扁功常
夥。詩逐曹劉名益彰。避俗獨耽黃卷樂。懷親時向白
雲望。青藜昨夜來相訪。吹出文章萬丈光。

瓜

邵園邵國蔓條連。味勝華山玉井蓮。蒼玉摘新田納
履。水晶嚼冷雲浮煙。豈徒口腹貪珍味。更薦廟廊盛
竹籩。安得詩人賡大雅。稱揚聖世頌綿綿。

圓通瑞岩禪師。海西之英傑也。前歲榮膺龍峯之盛選。今將以事赴舊壑。詩以送之。

法窟卧龍飛海天。功成斯日作榮旋。紫雲高覆五峯上。瑞雨遠霑三岳前。佛界風和帆腹飽。禪關路熟馬蹄連。相期京洛花時節。俱載吟囊尋舊緣。

豐臣廟感懷奉和尺五先生韻

松下行厨豐廟邊。登臨轉感艷陽天。鄴臺人去荆蓁合。驪岫雲還陵谷遷。殘樹空榮荒徑裏。餘香暗度晚風前。年年惟有花時節。醉無狂歌翠幕連。

其二

朱樓金殿盡頽敗。題句俱憐夢幻榮。依舊名花誇麗景。到今好鳥弄新晴。晚烟村落平林暗。夕日川原遠水明。諸老詞鋒有誰敵。騷壇欲築受降城。

乙未冬蝸廬成。屈邀尺五先生。見示一律。依高

韻奉謝。

小築新成聊復宜。鉅公觴詠倚書帷。學分朱陸道同在。詩等黃陳才百之。強屈嘉賓何足侑。欲賡險韻恐無奇。儒流千古濂溪月。尚借餘光積德基。

辛巳元日

誰用豨膏轉日輪。瞥然又遇履新晨。青山白水憶康

樂和氣溫風接伯淳。嬾綠將開城柳眼。小紅未入野
桃唇。可憐曉夢成蝴蝶。先領園林第一春。

落花

未論萬點減春色。一片能添一片愁。蝶逐餘香過墻
去。鳥銜落蕊遶枝留。輕颺艷雪風前舞。半散紅雲樹
上浮。惆悵繁華難耐久。青山只廢水悠悠。

壬辰元日

千門松竹三朝雨。屬目東風懷抱頻。街陌塗泥妨賀
客。乾坤膏澤作新民。韋絃自笑磁南性。歲月偏驚研
北身。題品人才非我事。且評先擇百花春。

遊魚吞花影

金尾銀鱗吹細浪。瓊葩玉蕊浸芳洲。春風潛入水中
府。夜月高懸天上鉤。濯錦江晴於物躍。浣花溪暖載
沈浮。長教鮫室變香國。不用龍門泝急流。

歐陽詩雪

梨梅練絮禁膠黏。六一堂中號令嚴。天上玄英玉華
颺。座間白戰筆鋒銛。正知管輅能言易。肯比張融不
賦鹽。為報佗年同社友。醉翁故事可重添。

隣家白櫻

輕於雪色重於霜。花影壓窗分燭光。石上粉粧驚介

甫。歲前壯艷感歐陽。燕穿帷帳飛鳴鬧。人隔罍罍笑
語香。其得墻頭舊時酒。兩家春興入詩腸。

其二

高鄰列樹總山櫻。分借春光濃艷明。末半過墻雲影
動。中間照壁靈魂清。蝶同韓壽偷香去。蜂傲浩然迷
色爭。早起遲眠吟不盡。恐非鄙吝見黃生。

己酉元日

十歲宦途來往頻。今朝復見故園春。霜松雪竹渾依
舊。啼鳥開花共報新。彩服斯堂樹諼草。白雲何處望
靈椿。還懷北海尊前客。能獻直言知幾人。

西湖十景圖

見說錢塘天下秀。賞心美景四時分。湖光同印三潭
月。雷照遙含兩嶽雲。花港柳堤春共晚。綠荷黃鳥客
偏醺。斷橋更有清奇趣。風外殘鐘和雪聞。

鶯

幽谷深林喬木新。東城南陌好音頻。枝繁花底纔飛
影。葉短柳邊全露身。高擲金梭非器假。半調玉笛得
天真。何時光景尤宜聽。淡日輕風竹院春。

忘筌窩見示雪詩三首。余病卧經旬。不任沈吟

卒和一首。

金皇文集卷二
夜間冷氣擁踈被。獨養病身深掩扉。佳句起予驚竹折。彩毫驅景恠花飛。林風吹落珠無賴。山月照來玉有輝。白雪唱高難漫和。凍吟搔首愧才非。

元日

六出粧成白玉堂。椒盤羅列祝三陽。兄弟弟和家禮。鶴鶴龜龜獻壽觴。穿土早萱芽小綠。弄春新柳發輕黃。要知造化一年計。看取朝來盈尺祥。

丁巳元日

往來荏苒幾經秋。舉目長安淑氣浮。一朵曉雲擎瑞日。萬家春樹擁神州。南飛何處鴈橫塞。北望千山雪

滿樓。從此東風為解凍。無邊膏澤百川流。

其二

十尋喬木四垂陰。休告欣吾在舊林。北海恩波通地脉。南山壽色祝天心。年來忙裏情獨淺。老覺閑中味最深。隨例今朝聊試筆。白梅黃鳥促新吟。

己未元日

千門鬱壘日三竿。春至故園心自寬。風裏梅花問消息。盃中竹葉報平安。年光漸見入佳境。休暇聊應賦考盤。聞說北州多臘雪。金城高處不勝寒。

斷雲江公賜和元日鄙作再依前韻奉謝

空中百尺揭虹竿。更見高人地步寬。北海鵬程搏萬里。丹山鳳采照長安。晴巖意氣劍衝斗。宛轉文詞珠走盤。未償平生望霓願。先將詩雨洗酸寒。

其二

故園綠竹兩三竿。也足還家宦跡寬。世路寧追千里駿。儒林聊寄一枝安。謾勞君子瓊瑤贈。照耀書生首薦盤。西北綵雲花吐筆。春風入手不知寒。

其三

常羨江湖把釣竿。名邦想見海山寬。寵頒麗藻神先往。暗得明珠心未安。浦島仙蹤雲尚紫。天橋清景月

如盤。向風遙獻千年壽。丹壑青松伴歲寒。

乙卯元日

一氣流行轉大鈞。歡華想見賀城春。體元君頌南山壽。醉德人傳北海醇。仙木添枝歲符麗。荷蘭變葉國香新。更知昨夜三州雨。吹入東風澤兆民。

其一

曙鼓皦皦宿雨收。便看淑氣滿皇州。日邊樹色紅雲動。天外山光白雪浮。雙髻一心星北拱。百年多事水東流。故園好向梅花笑。為說君恩數賜休。

辛亥元日

曉日曛曛霞彩連。皇州風物自鮮妍。鶯歌不是人間曲。梅蕊真為天下先。送往迎來隨世俗。體元居正仰君賢。今朝想見金城會。春酒如澠祝萬年。

奉慰尺五先生苦塊

霜風吹落鄧林枝。嘆息多才一世奇。人遇蛇年知物化。鳥來庚日告吾期。和歌雋永深探蹟。源語講論俱

解頤。眺望吟魂何處所。白雲秋色不堪悲。

其二

梁月藏光壑失舟。蕭蕭慘日轉添愁。青鳥空瘞地中壁。黃鶴遊揚天上樓。萬事無心雲忽散。百年有限水空流。淒涼楚些千行淚。欲寫酸腸不自由。

三宅玄三詞兄遊于尺五先生之門七年矣。今也功成東歸。余莫逆日久。不勝分離之情。賦一律送之。

千里尋師來帝州。七年學道滌儒流。山東英妙馳新譽。洛下書生惜舊遊。幾戰風騷揮筆力。歛懷定省

唱刀頭。天涯若遇雲鴻過。早寄徽音慰別愁。
夜永氣沈風滿樓。寥寥玉笛遠添愁。夢魂吹破關山
月。壯志空傷鬢髮秋。磧裏數聲高斷鴈。湖中三管舞
潛蚪。柯亭千古賞音少。回首長江水自流。

山中紅葉

楓樹林間溪上村。眼迷妄意認桃源。日斜高見火雲
簇。風起忽逢紅雨翻。漢將旌旗連壁壘。錢王錦綉接
川原。空山惆悵無人見。好種官宸照禁門。

春水滿四澤

花岸柳塘新霽時。漾紅翻綠溢天涯。百尋湛湛東西
澤。千頃汪汪南北陂。朝雨波肥埋草木。夕陽沙暖晒
鸕鷀。安將四顧無邊水。一洗吾平生惡詩。

大東牡丹

穀雨清明看已遷。物華復屬牡丹天。微風滿院蜂如
沸。輕日中庭貓正眠。紅藥寧堪為噲伍。嬌棠更可愧
盧前。自然富貴非人敵。莫恠花王掌化權。

東山卽興

處處烟花洛水東。高人揮筆倚春風。龍峯佛閣飛林
末。鹿谷山光接眼中。草坐任他忘席秩。意行何復哭

途窮與君今日非生客。詩酒文談心自融。

山寺

良辰自被春光引。間道餘寒入上方。山逼軒窗青步障。竹穿霄漢綠沈槍。千尋高嶽決禪眼。萬里清川滌俗腸。相見諸天雲霧窟。地雄景勝日暉長。

梅

大庾嶺頭冰玉面。林間相見眼增明。暗香已入林逋句。佳實行調傳說羹。態少豈能從世好。德孤却不與騷盟。桃紅李白春風暮。滿陌犢車雷震轟。

元日

便看韶景滿天涯。雲暖風輕日色遲。池漲草追靈運夢。雪殘山列季常眉。對春愧乏知新學。試筆聊裁杜撰詩。自笑平生作何事。空腸添得一年痴。

新竹

解籜爭抽野趣幽。綠雲當牖為君留。風流可記清虛子。榮辱無心瀟洒侯。涼蔭新添炎熱備。霜筠先約歲寒謀。世人若問閒人富。渭畝自兼千戶俸。

新年作

又是平生翰墨場。春風送暖入詩腸。栢松猶剩歲寒色。桃李行看時世粧。要使鄉兒歌瑞桂。暫從園子問

黃楊三餘窗裏繙新曆。先喜光陰一月長。

又次海棠

花光妍暖紫綿色。戲蝶遊蜂圍遶枝。露蕊烟梢誇雨

日。曉粧春睡弄晴時。甚高有品元之譜。何恨無情子

美詩。千匝百回看不足。未開已好發尤奇。

秋日遊天龍禪院

西郊靈刹脫塵緣。松院苔蹊共可憐。聞桂豈成黃氏

悟。遠床試問白公禪。龍門波浪峽中吼。龜頂雲烟木

末連。詩思却遭多景奪。對山對水自茫然。

中秋無月得最字

頑雲妬月暮霏霏。佳期空說四時最。縱使飛廉偏有
情。不奈屏翳太無賴。天路深埋張網輪。夜宴難追曹
植蓋。韓生藍杓如可求。揮洒清光照高會。

中秋無月得在字

中秋佳名照寰海。祈晴累霄措眼待。豈謂虎丘愁淋
滴。誰從天柱弄光彩。絲鸞無路尋舊緣。素娥何處問
好在。強訴西風聊自寬。明年月色償蕙倍。

悼淡州刺史岡田公炊白之哀

月落風悲虛幌冷。佳人竟作閉佳城。白中炊米前年
夢。庭際茁蘭他日榮。豈為嬋娟偏嘆逝。故知伉儷不

忘盟綠情紅意無求處。淚葉唯餘宿草生。

庚寅元日

面前花柳正春陽。更覓新奇却望洋。夷甫虛談終放蕩。相如詞賦謾芬芳。古今共逐仲尼鹿。岐路多亡揚子羊。麟脯龍羹一朝美。倫常自可喫家常。

西京稿

錦里文集卷二卷

西京稿

錦里文集卷三

平安木貞幹直夫著

男 寅亮 編

遠孫 靜 校

七言近體

庚辰元日

韶光婀娜小園中。新柳送青梅似紅。仙木畫門除鬼魅。屠蘓得歲飲兒童。陽山梨發夜來雪。閩地蘭香曙後鐘。不用黃鶯報春信。滿城喜氣自融融。

菊

川山黃落肅霜催。仙菊叢叢適意開。奇氣殊香紛滿座。瓊葩金蕊積成臺。七千芍藥浮屠會。幾樹紅桃道士栽。何若南陽碧潭上。萬花谷水引齡來。

送安東詞宗還海西

渭城聲裏暗添愁。行色明朝天一涯。春樹暮雲千里眼。斷山極浦幾篇詩。盟存車笠深知志。學辨陶陰博決疑。好賴平生誓古力。榮名長向九州馳。

送覺玄師還南紀舊山

高秋離思滿天涯。錫杖凌雲望眼馳。靈窟真為南國紀。鄉岑寧受北山移。釋天法雨無今古。海李盤根有

本支聞說鼎峯多勝境。吟囊到處得新詩。

謁閣老板倉公

不才幸喜托龍門。德義風流世所尊。到處英名歸國是。幾回榮賤浴

天

恩。陽春有脚蕪民物。陰德無心及子孫。珍重邦畿千里外。復將仁雨潤乾坤。

述懷

滔滔儒流天地始。發源太極少人窺。羲黃堯舜百王祖。孔孟程朱萬世師。敬直義方宜守靜。博文約禮豈求奇。東夷小子空勤苦。佛法千年涵四維。

虎林禪師睽違年久。今歲適會晤佐和生寓舍。感舊之懷。眷眷不已。後一日惠盛藻格律森嚴。

厚情可掬。次韻。

豐鐘響斷復鳴霜。契合渾如宮應商。方外羨君頤道氣。塵中笑我攪愁腸。詩祛蔬笋無酸味。才比珪璋有令望。避暑須為文字飲。天龍法雨自清涼。

其二

詞鋒凜凜夏飛霜。爽氣逼人如素商。酬答只慚多謬語。襟期未覺有佗腸。交依白水永為好。思入碧雲堪遠望。待得薰風自南日。與君攜手詠微涼。

中秋無月

踈雨淡煙風滿樓。佳期此夕轉添愁。尊前燈燭空過夜。笛裏關山暗度秋。河沒蟾蜍無影浸。雲埋桂樹有香幽。吳剛仙斧今安在。欲破頑陰不自由。

悼利峯和尚

夢裏光陰三萬日。秋風吹入夜臺長。許多愁恨千行淚。些子心情一瓣香。雲散水歸無化跡。蘭枯蕙死有遺芳。尋思惆悵空堂月。顏色依然滿屋梁。

柿

梁侯朱果美名香。粲粲如星飽歷霜。閩海荔支何致

遠。楚王萍實正呈祥。玉盤照座釘虬卵。雲液嘗新剖
蜜房。却笑龍陽洲上客。木奴漫待滿林黃。

讀杜律

寥寥大雅葩經後。忠膽義肝堪共儔。京洛風塵年月
晚。乾坤心跡髮毛秋。陳時寧與史編異。爬痒渾如仙
爪伴。惆悵百花潭上水。清流不浣一生愁。

承應癸巳余月某日

敕內官降
賜粟令余即罷修大阿乳香春媪冥福。嗚呼。
追舊逮下。

天恩可謂至矣。韋布卑賤蒙此

榮曜不勝屏營之至

天德難名。至敬無文。鄙詞一章。謹告阿媪之靈。
窳臺舊鏡照無何。回首光陰似擲梭。一紀歲星微過
半。九原露草轉傷多。
寵榮曾錫漢家賜。貞節永傳陶氏歌。薄命香魂人共
惜。不逢玉燭萬邦和。

悼高臺禪師

適去人間了幻漚。歸遊物外得真休。禪林俱仰高臺
月。宗派單傳少室流。遺偈字鮮玄鳳翥。誦經聲斷白

雲愁悲風蕭颯九原暮。淚葉難禁搖落秋。

蟬

半山雨過夕陽殘。噫噫鳴蟬綠未乾。薄翼巧粧宮女
髮。清風高插侍臣冠。老為謀食守林覩。稚子持黏傍
樹看。却泣須餐雲表露。莫偷美蔭一枝安。

尺五松先生築講堂頌禱詩三首一首收入五言古

講堂擬作上都庠。故使先生振紀綱。長者往來門外
轍。諸徒教誨鬢邊霜。半簾空卷東山志。一畝真分

北

闕光。京兆儒風誰發起。杏壇要欲種甘棠。

地隣

禁省絕塵埃。况又高論豁眼開。鹿谷窗晴雲影過。鴨河

夜靜水聲來。芸編何載三十乘。藻思無慚八斗才。今

日榮名誓古力。諸生侍立讀書臺。

秋風

土囊顛末暮颼颼。來報千林落木秋。遠送雁聲驚客

夢。高吹砧杵入邊愁。洞庭波起憐湘怨。汾水雲飛憶

漢遊。更有江頭堪看處。蘆花如雪散汀洲。

次塞馬禪師韻

滔滔詞源誰量涘。英衲奇質嘆天只。作賦不讓八叉


才。射策曾試百中矢。見性機關靜處參。稱心草聖醉

裏灑。談論今日許與支。尚喜勝遊并四美。山草望
所見。物理明明心上求。乾坤萬事克闡幽。窮通本是從三
易。格致何曾讀九丘。方外莫尋黃蘗法。閒中真勝赤
松遊。人間風浪面前起。慾海欲還浮鐵舟。

杜鵑

催歸聲苦幾酸辛。嗟爾冤魂何處伸。蜀國路遙翎翅
短。楚天月靜叫呼頻。唯看百鳥哺其子。未聽群臣隨
此身。不用洛橋論地氣。世情無限攢眉人。
春晴花未開與書生以待花催勝遊為題

萬紫千紅未吐莖。先催勝會賞春晴。洛陽園裏訪姚
魏。豐國祠前問杏櫻。索漠兼知零日恨。風流全在待
時情。尊為報良朋友。又向花開尋舊盟。



西京稿

錦里文集卷三

